

# Pelacuran di Kalangan Remaja: Satu Analisis dari Perspektif Kerja Sosial

Rose Jacob

---

## Abstrak

Artikel ini bertujuan untuk mengenalpasti ciri-ciri seorang pelacur remaja serta faktor-faktor yang mendorong remaja melibatkan diri dalam kegiatan pelacuran. Di antara ciri-ciri seorang remaja pelacur ialah mereka tidak mempunyai konsep sendiri yang tinggi, menghadapi konflik identiti diri, tidak menikmati kesejahteraan keluarga dan mudah dipengaruhi oleh rakan sebaya. Faktor-faktor yang mempengaruhi seorang remaja terlibat dalam gejala ini antaranya adalah ekonomi, pendidikan rendah, kegagalan sistem keluarga, permintaan pekhidmatan seks daripada golongan lelaki, penderaan fizikal dan seksual dan pengaruh media cetak dan elektronik. Akhirnya, artikel ini memberi beberapa cadangan untuk membantu remaja dalam pemulihan dan pencegahan. Dalam artikel ini pelacur remaja ditumpukan kepada golongan wanita.

---

## Pengenalan

Masyarakat pada abad ke 21 ini tidak lagi boleh memandang remeh persoalan pelacuran khususnya pelacuran remaja. Hal ini adalah kerana kesan perebakan aktiviti pelacuran bukan sahaja memberi impak yang besar terhadap bidang pelacuran itu sendiri tetapi juga masyarakat di sekelilingnya. Sullivan (1995), Jeffreys (1999), O'Neill (1999), dan Jagger (1997) berpendapat pada tahun 1960an dan sebelumnya masyarakat dunia moden hanya menganggap isu pelacuran sebagai satu bentuk masalah keruntuhan moral yang dilakukan oleh sekelompok wanita devian yang menjual kehormatan diri kepada lelaki untuk memperolehi wang.

---

*\* Rose Jacob is currently a Training Officer at the Institut Sosial Malaysia, Ministry of Women, Family and Community Development, Kuala Lumpur, Malaysia.*

Pada tahun 1970an, pandangan ini telah berubah yang mana masyarakat berpersepsi pelacuran yang berlaku berpunca daripada fenomena ketidakseimbangan ekonomi di kalangan gender dari segi kemiskinan dan peluang pekerjaan yang terhad terutama kepada wanita di negara-negara Dunia Ketiga. Pada tahun 1980an hingga sekarang terdapat golongan dalam masyarakat yang berusaha untuk menjadikan pelacuran sebagai satu bidang pekerjaan yang sama taraf dengan pekerjaan lain.

Sebelum pertengahan tahun 1980an, aktiviti pelacuran di Malaysia hanya diceburi oleh golongan wanita yang berumur sekitar 21 tahun hingga pertengahan 30 tahun sahaja. Selepas tahun 1980an sehingga sekarang, pembentukan "pasukan pelapis" pelacur remaja didapati berlaku dengan mendadak sehingga menimbulkan pelbagai tanda tanya kepada masyarakat. Malah, permintaan keatas pelacur remaja semakin meningkat dan bersaing dengan pelacur dewasa (Campagna dan Poffenberger, 1988).

Kajian yang dilakukan oleh Clinard (1974) menjelaskan tarikan terhadap bentuk fizikal remaja merupakan penyebab utama yang membawa gadis-gadis remaja terlibat dalam industri pelacuran. Tarikan fizikal dan keremajaan didapati sangat signifikan untuk membolehkan remaja tersebut menjadi seorang pelacur yang berjaya kerana mampu mendapat pendapatan yang tinggi. Mathur dan Gupta (1965) berpendapat umur adalah penting kerana kecantikan dan keremajaan akan menurun apabila usia meningkat. Gadis-gadis remaja yang dibawa masuk ke lembah pelacuran oleh "ibu/bapa ayam", teman lelaki/wanita atau sindiket tidak menghadapi masalah untuk dipasarkan. Hal ini kerana golongan lelaki yang melangani pelacur lebih gemar memilih pelacur muda dan golongan remaja terbabit sering mendapat permintaan dengan harga yang tinggi.

Kehadiran budaya "hipi" banyak memberi kesan negatif kepada masyarakat Malaysia kerana kehidupan mereka sering kali dikaitkan dengan masalah dadah. Kemunculan kumpulan muzik dan "hipi" merangsangkan lagi pertumbuhan masalah dadah di kalangan remaja Malaysia. Setelah hampir lima belas tahun negara mencapai kemerdekaan, pengaruh penjajah yang cuba di singkirkan daripada kehidupan masyarakat nampaknya diganti pula dengan satu lagi pengaruh asing iaitu permulaan budaya "hipi". Budaya "hipi" dikatakan sebagai penjajahan mental remaja Malaysia supaya terus terikat dengan budaya *colonial* yang dibawa sebelum ini. Bersama-sama dengan pengaruh "hipi", masalah penagihan dadah di kalangan remaja mula menyerang negara sehingga kerajaan mengambil langkah untuk mengisytiharkan dadah sebagai musuh negara nombor satu.

Pada awal tahun 1980an, gejala sosial menjadi semakin teruk kerana pertembungan dengan zaman kemelesetan ekonomi dunia yang menyebabkan kadar pengangguran dan kemiskinan penduduk meningkat. Kesannya ramai remaja melepak di kompleks beli-belah sambil mendengar lagu irama *rock* dan berimej *punk* atau *trojan*. Budaya ini menjadi kegilaan remaja pada masa itu sebagai langkah melarikan diri daripada realiti kehidupan sebenar yang perlu mereka tempuhi. Imej devian yang dibawa oleh remaja yang berkumpul secara beramai-ramai tanpa hala tujuan yang pasti menyebabkan satu proses penyesuaian diri dengan pengaruh muzik yang mereka dengar dan dianggap *up to date* berbanding rakan-rakan lain. Fenomena tersebut juga dikenali sebagai "budaya lepak" dan ia menjadi satu masalah sosial negara yang menarik perhatian kerajaan untuk bertindak secara tegas kepada golongan remaja terbabit.

Pada pertengahan tahun 1980an pula, masalah “bohsia” dan “bohjan” atau kegiatan seks bebas di kalangan remaja mula dihadapi oleh negara dan sekali lagi kerajaan bersemuka dengan gejala sosial remaja yang kompleks dan sulit untuk diselesaikan. Ketika itu juga, masalah “penagihan dadah bentuk baru” seperti menghidu gam dan petrol serta penggunaan ubat batuk secara berlebihan bermula. Walaupun ketiga-tiga bentuk bahan rangsangan tersebut bukanlah jenis dadah yang sebenar tetapi tujuan penggunaannya adalah sama iaitu untuk menjadikan diri berada dalam keadaan khayal. Ia digemari remaja kerana harganya murah dan mudah didapati. Penggunaan bahan rangsangan seperti gam dan ubat batuk secara langsung mengikat diri remaja untuk mencuba dadah lain yang lebih berat dan merbahaya seperti ganja, heroin dan morfin.

Ketika kerajaan melancarkan Dasar Pembangunan Nasional dan WAWASAN 2020, masalah pembuangan bayi sedang hebat berlaku di Malaysia. Ia berpunca daripada kegiatan “bohsia” dan “bohjan” yang wujud pada pertengahan tahun 1980an dahulu yang mengamalkan seks bebas tanpa batasan. Remaja pada peringkat umur yang terlalu muda dan terlanjur mengambil jalan mudah menyelesaikan masalah malu dan takut mereka dengan membuang anak sendiri di tempat pelupusan sampah, sungai, semak, kawasan pembinaan dan sebagainya. Sehingga pertengahan tahun 1990-an, fenomena kegiatan seks bebas dan pembuangan bayi di kalangan remaja masih berlarutan sehingga menjadikan isu sosial Malaysia bertambah rumit. Dalam tahun 1991-1996, sejumlah 278 kes telah direkodkan. Peningkatan yang ketara sebanyak 90 peratus dikenalpasti berlaku khususnya sepanjang tempoh tahun 1994, 1995 dan 1996. Pada masa ini bentuk keluarga tradisional telah bertukar kepada keluarga nukleus di bandar dan kaum wanita mulai memasuki pasaran kerja secara beramai-ramai menyebabkan ikatan kekeluargaan semakin longgar. Anak-anak remaja kehilangan perhatian dan tumpuan yang sepatutnya diberikan oleh ibubapa.

Adalah ditekankan bahawa norma sosial dan keagamaan di Malaysia tidak menyokong profesion pelacuran. Walaupun Malaysia terdiri dari pelbagai etnik, agama Islam dan bukan Islam tidak boleh menerima kegiatan ini sama sekali. Perniagaan ini bukan sahaja terdapat di bandar besar, tetapi juga di kawasan luar bandar (S Nagaraj, 1995). Serbuan sering kali dijalankan untuk menahan gadis-gadis bawah umur 18 tahun yang terlibat dalam perniagaan ini sepertimana yang diperuntukkan di Akta Kanak-Kanak 2001 yang dikuatkuasakan oleh Jabatan Kebajikan Masyarakat Malaysia. Akta sebelum ini, Akta Perlindungan Wanita dan Gadis 1973 yang menahan gadis bawah umur 21 tahun telah dimansuhkan.

Hakikatnya gejala sosial yang menimpa golongan remaja bermula dari tahun 1960an hingga sekarang berbentuk secara kumulatif. Kini isu ini perlu dilihat dengan realiti yang merupakan suatu realiti pahit dalam masyarakat kita sepertimana dalam jadual-jadual di bawah ini:

**Jadual 1 : Kes wanita dan gadis mengikut negeri**

| Negeri          | 2001       | 2002       | 2003       |
|-----------------|------------|------------|------------|
| Johor           | 184        | 95         | 4          |
| Kedah           | 18         | 19         | 16         |
| Kelantan        | 4          | 5          | 1          |
| Melaka          | 22         | 0          | 1          |
| Negeri Sembilan | 20         | 8          | 14         |
| Pahang          | 35         | 29         | 13         |
| Perak           | 57         | 32         | 18         |
| Perlis          | 1          | 0          | 0          |
| Pulau Pinang    | 30         | 17         | 3          |
| Selangor        | 86         | 72         | 6          |
| Terengganu      | 24         | 17         | 8          |
| W.P K.Lumpur    | 144        | 73         | 13         |
| W.P Labuan      | 0          | 5          | 5          |
| Sabah           | 39         | 34         | 4          |
| Sarawak         | 37         | 42         | 16         |
| <b>Jumlah</b>   | <b>701</b> | <b>448</b> | <b>122</b> |

*Sumber: Jabatan Kebajikan Masyarakat Malaysia*

**Jadual 2 : Kes wanita dan gadis mengikut jenis kesalahan**

| Jenis kesalahan                               | 2001       | 2002       | 2003       |
|-----------------------------------------------|------------|------------|------------|
| Dilatih bagi pelacuran – Sek.7(1)             | 176        | 97         | 36         |
| Dianiayai – Sek.8(1)                          | 331        | 208        | 12         |
| Tidak terkawal – Sek.8(2)                     | 97         | 72         | 43         |
| Diperolehi dengan cara palsu – Sek.10(2)      | 3          | 1          | 0          |
| Permohonan sendiri – Sek.9(1)                 | 92         | 64         | 30         |
| Mengikut perintah undang-undang lain – Sek.14 | 2          | 6          | 1          |
| <b>Jumlah</b>                                 | <b>701</b> | <b>448</b> | <b>122</b> |

*Sumber: Jabatan Kebajikan Masyarakat Malaysia*

**Jadual 3 : Penyelesaian kes wanita dan gadis mengikut keputusan**

| Keputusan                                           | 2001       | 2002       | 2003       |
|-----------------------------------------------------|------------|------------|------------|
| Tahanan di tempat perlindungan                      |            |            |            |
| (i) Sek.8(4)(a)                                     | 200        | 130        | 32         |
| (ii) Sek.9(4)                                       | 48         | 46         | 29         |
| (iii) Sek.10(3)(a)                                  | 20         | 0          | 4          |
| Dalam pemeliharaan seorang yang layak – Sek.8(4)(b) | 22         | 21         | 9          |
| Dalam pemeliharaan ibubapa/penjaga – Sek.8(4)(c)    | 253        | 180        | 23         |
| Di bawah seliaan Pegawai Kebajikan Masyarakat       |            |            |            |
| (i) Sek.10(3)(d)                                    | 56         | 564        | 13         |
| (ii) Sek.10(3)(b)                                   | 13         | 2          | 1          |
| Lain-lain                                           | 21         | 1          | 1          |
| <b>Jumlah</b>                                       | <b>633</b> | <b>944</b> | <b>112</b> |

Sumber: Jabatan Kebajikan Masyarakat Malaysia

**Jadual 4 : Kes wanita dan gadis mengikut kumpulan etnik**

| Kumpulan Etnik     | 2001       | 2002       | 2003       |
|--------------------|------------|------------|------------|
| Melayu             | 392        | 224        | 90         |
| Cina               | 207        | 135        | 12         |
| India              | 31         | 23         | 4          |
| Bumiputera Sabah   | 30         | 27         | 1          |
| Bumiputera Sarawak | 23         | 29         | 8          |
| Lain-lain          | 18         | 10         | 7          |
| <b>Jumlah</b>      | <b>701</b> | <b>448</b> | <b>122</b> |

Sumber: Jabatan Kebajikan Masyarakat Malaysia

**Jadual 5 : Bilangan penghuni Taman Seri Puteri pada akhir tahun mengikut kumpulan etnik**

| Tahun | Mly | Kadz | Bajau | Dayak | Murut | Mel | Cina | Ind | Lain | JUM |
|-------|-----|------|-------|-------|-------|-----|------|-----|------|-----|
| 2001  | 290 | 19   | 7     | 19    | 0     | 2   | 63   | 21  | 13   | 434 |
| 2002  | 160 | 18   | 10    | 29    | 0     | 0   | 33   | 9   | 13   | 272 |
| 2003  | 123 | 10   | 6     | 23    | 0     | 1   | 21   | 5   | 10   | 199 |

Sumber: Jabatan Kebajikan Masyarakat Malaysia

**Jadual 6 : Bilangan penghuni Taman Seri Puteri pada akhir tahun mengikut institusi**

| Taman Seri Puteri (TSP) | 2001       | 2002       | 2003       |
|-------------------------|------------|------------|------------|
| TSP Batu Gajah          | 109        | 83         | 58         |
| TSP Cheras              | 0          | 4          | 4          |
| TSP Kota Kinabalu       | 29         | 29         | 15         |
| TSP Miri                | 41         | 56         | 48         |
| TSP Rembau              | 255        | 100        | 74         |
| <b>Jumlah</b>           | <b>434</b> | <b>272</b> | <b>199</b> |

Sumber: Jabatan Kebajikan Masyarakat Malaysia

### **Faktor-faktor yang Mendorong Remaja Melibatkan Diri dalam Aktiviti Pelacuran**

Kerenggangan hubungan keluarga merupakan konflik sosial utama yang membawa remaja ke lembah pelacuran. Faktor kesibukan ibubapa dan sikap ahli keluarga terhadap remaja terbabit yang tidak memuaskan serta keluarga yang tidak bahagia/sejahtera, telah mendorong mereka untuk bergiat dalam aktiviti pelacuran. Terdapat penurunan dalam *extended family system* dan peningkatan dalam *nuclear family system* dari 60% (1991) ke 68% (1994). Allen (1994) berpendapat bahawa pengaruh keluarga merupakan faktor utama yang menentukan personaliti remaja. Pelacuran remaja dikaitkan dengan kelemahan ikatan persaudaraan, penurunan signifikan aspek keluarga, kehilangan hubungan kejiwaan dan kerapuhan *solidarity social* dalam masyarakat.

Sejumlah besar pelacur remaja menyatakan mereka telah berhenti sekolah semasa terlibat dengan kegiatan pelacuran. Maksud berhenti sekolah disini ialah pemberhentian secara sukarela atau dibuang sekolah kerana masalah disiplin tanpa sempat menduduki peperiksaan utama. Bagi remaja yang tidak meneruskan persekolahan, mereka memberi alasan kurang berminat untuk belajar, terpengaruh dengan kawan-kawan yang tidak bersekolah, masalah keluarga dan masalah kewangan. Secara umum, masalah paling besar bagi remaja yang terjerumus ke lembah pelacuran ialah keciciran dalam pendidikan di peringkat sekolah menengah. Tahap motivasi diri mereka boleh dikatakan agak lemah dan kurang berupaya diberi bantuan. Kajian Goode (1984) mendapati gadis remaja yang dianggap sebagai pembawa masalah dan lembab oleh ibubapa, guru dan masyarakat mempunyai potensi yang tinggi untuk terjebak dalam tingkahlaku devian seperti melakukan hubungan seks bebas dan melacurkan diri bagi mendapatkan wang secara mudah.

Kehidupan anak-anak remaja sedikit sebanyak boleh terjejas akibat sumber pendapatan keluarga yang terhad. Akhirnya mereka akan mencari jalan sendiri untuk berdikari dari segi kewangan dan juga mengurangkan tekanan tersebut sama ada bekerja secara sah atau menceburi kegiatan lain yang mudah menghasilkan pendapatan seperti pelacuran. Konsep *feminization of poverty* menunjukkan bagaimana kemiskinan telah menjadi suatu masalah yang kian meningkat di kalangan wanita. Oleh sebab usia mereka masih muda, tidak banyak pekerjaan yang boleh mereka masuki. Disamping ini mereka kurang mempunyai kemahiran kerja, pendidikan dan rangkaian sosial untuk mendapatkan

pekerjaan lain. Ini mengakibatkan mereka tidak mempunyai pekerjaan tetap. Pelacur remaja mampu memperoleh pendapatan yang lebih tinggi jika dibandingkan dengan mereka yang mempunyai pencapaian akademik yang tinggi. Malah, mereka yang berpelajaran tinggi sekalipun tidak akan mencapai tahap pendapatan sedemikian dalam jangkamasa yang singkat. Pendapatan lumayan yang ditawarkan oleh bidang pelacuran sentiasa memerangkap golongan remaja yang suka mengambil jalan mudah untuk menikmati gaya hidup mewah. Faktor kemewahan ini juga dijadikan umpan oleh perekrut pelacur menjerat remaja memasuki lembah pelacuran.

Jadi, pilihan mereka untuk berdikari awal ketika rakan-rakan yang lain masih lagi di alam persekolahan telah menjerat golongan remaja dalam satu perangkap dilema kehidupan yang sangat rumit. Keadaan ini menyebabkan kebanyakan mereka menyertai aktiviti salah laku sama ada untuk mengisi masa lapang, mencari sumber kewangan atau melepaskan tekanan yang dihadapi secara *easy way out*. Kesukaran remaja untuk mendapatkan pekerjaan kerana pendidikan yang rendah menyebabkan mereka sanggup bekerja sebagai penari dan pelayan di kelab-kelab malam serta tukang urut di rumah-rumah urut. Dalam beberapa kes tertentu, kebanyakan remaja yang terlibat dengan kegiatan pelacuran berpunca daripada situasi di tempat mereka bekerja.

Sebilangan besar remaja menyatakan bahawa tahap pemikiran mereka yang kurang matang memudahkan mereka ditipu dan diperdaya oleh individu yang tidak bertanggungjawab seperti "ibu/bapa ayam", teman lelaki atau wanita yang mempunyai kaitan dengan sindiket pelacuran. Secara umum, orang yang merosak kehidupan remaja ialah kawan wanita atau lelaki mereka sendiri. Kesilapan remaja memilih kawan atau teman yang sesuai boleh membawa padah yang besar kepada mereka. Proses perkembangan manusia dari kanak-kanak kepada dewasa dibentuk lebih kuat dengan rakan-rakan sebaya daripada ibubapa. Penglibatan remaja dalam aktiviti seksual dipengaruhi dan dibimbing oleh rakan sebaya. Perkara ini dirahsiakan daripada ibubapa yang mana pandangan ibubapa dianggap sebagai "fesyen lama" dan tidak berkaitan. Pengaruh atau tekanan rakan sebaya merupakan salah satu faktor yang membawa remaja melibatkan diri dalam aktiviti pelacuran. Menurut O'Neill (1996), remaja yang menerima tekanan rakan sebaya supaya menyertai aktiviti pelacuran menunjukkan berlakunya kegagalan sistem sosial yang dimainkan oleh pihak berkuasa dan masyarakat setempat. Daripada kajian yang dijalankan oleh Billy dan Henry (1985), didapati bahawa persahabatan rakan sebaya mempengaruhi tingkahlaku seksual.

Dunia pelacuran berkembang kerana terdapat permintaan perkhidmatan seks yang tinggi di kalangan lelaki yang merupakan salah satu punca utama. Disamping ini lelaki mempunyai kemampuan tinggi untuk mengeksploitasikan badan wanita. Menurut Mathur dan Gupta (1965) dan Cohen (1980), seseorang pelacur akan berhenti menjalankan aktiviti pelacuran seandainya tiada lagi lelaki yang berminat dengan perkhidmatan mereka. Walau bagaimanapun, kegiatan ini sukar untuk dihentikan kerana perlakuan seksual semula jadi lelaki dikatakan elemen utama yang menyebabkan pelacur bertindakbalas. Disebaliknya, pelacur menjalankan perkhidmatan sosial untuk *male inadequates* yang tidak dapat memenuhi keperluan seks mereka.

Kajian sampel populasi pelacur remaja melaporkan kadar tinggi penderaan fizikal dan seksual semasa kanak-kanak (Baglec and McDonald, 1984). Silbert dan Pines (1981) mengatakan bahawa 60% pelacur yang terlibat dalam kajian mereka telah mengalami penderaan seksual semasa kanak-kanak. Tempoh masa penderaan yang agak lama telah meninggalkan kesan negatif. Pelacur dewasa melaporkan sejarah penderaan semasa mereka kanak-kanak (Bagley and Young, 1987). 66% mangsa mengenal pendera mereka dimana 31% adalah bapa kandung mangsa sendiri. Remaja yang didera secara fizikal atau seksual seringkali disingkirkan oleh *conventional peers* dan terlibat dengan kegiatan-kegiatan kurang bermoral serta merupakan sebab utama mereka lari dari rumah (Bryan Strong, 2001). Jadual-jadual berikut menunjukkan bilangan dan jenis kes-kes penderaan yang dilaporkan.

**Jadual 7 : Kes penderaan kanak-kanak mengikut negeri**

| Negeri          | 2001         | 2002         | 2003         |
|-----------------|--------------|--------------|--------------|
| Johor           | 126          | 115          | 156          |
| Kedah           | 33           | 39           | 63           |
| Kelantan        | 24           | 11           | 31           |
| Melaka          | 36           | 24           | 65           |
| Negeri Sembilan | 39           | 40           | 55           |
| Pahang          | 25           | 27           | 8            |
| Perak           | 85           | 80           | 131          |
| Perlis          | 26           | 21           | 16           |
| Pulau Pinang    | 85           | 130          | 131          |
| Selangor        | 327          | 412          | 368          |
| Terengganu      | 24           | 20           | 17           |
| W.P K.Lumpur    | 127          | 269          | 153          |
| W.P Labuan      | 0            | 1            | 1            |
| Sabah           | 14           | 17           | 19           |
| Sarawak         | 65           | 36           | 176          |
| <b>Jumlah</b>   | <b>1,036</b> | <b>1,242</b> | <b>1,390</b> |

Sumber: Jabatan Kebajikan Masyarakat Malaysia



**Jadual 8 : Kes penderaan kanak-kanak mengikut orang-orang yang bertanggungjawab**

| <b>Pendera</b>          | <b>2001</b>  | <b>2002</b>  | <b>2003</b>  |
|-------------------------|--------------|--------------|--------------|
| Ibu                     | 327          | 389          | 348          |
| Bapa                    | 272          | 325          | 319          |
| Ibu tiri                | 33           | 34           | 45           |
| Bapa tiri               | 32           | 41           | 65           |
| Adik-beradik            | 17           | 27           | 49           |
| Saudara-mara            | 60           | 95           | 103          |
| Pengasuh                | 30           | 54           | 62           |
| Jiran                   | 34           | 25           | 37           |
| Majikan                 | 11           | 2            | 4            |
| Guru                    | 6            | 4            | 5            |
| Kekasih ibu/bapa        | 6            | 10           | 18           |
| Kenalan kepada keluarga | 38           | 40           | 55           |
| Lain-lain               | 170          | 196          | 280          |
| <b>Jumlah</b>           | <b>1,036</b> | <b>1,242</b> | <b>1,390</b> |

*Sumber: Jabatan Kebajikan Masyarakat Malaysia*

**Jadual 9 : Kes penderaan kanak-kanak mengikut jenis penderaan dan jantina**

| <b>Jenis Penderaan</b> | <b>2001</b> |            |              | <b>2002</b> |            |              | <b>2003</b> |            |              |
|------------------------|-------------|------------|--------------|-------------|------------|--------------|-------------|------------|--------------|
|                        | <b>L</b>    | <b>P</b>   | <b>J</b>     | <b>L</b>    | <b>P</b>   | <b>J</b>     | <b>L</b>    | <b>P</b>   | <b>J</b>     |
| Terdampar              | 35          | 35         | 70           | 53          | 68         | 121          | 50          | 48         | 98           |
| Diabaikan              | 154         | 149        | 303          | 189         | 168        | 357          | 184         | 205        | 389          |
| Fizikal                | 155         | 132        | 287          | 182         | 172        | 354          | 200         | 210        | 410          |
| Seksual                | 26          | 225        | 251          | 22          | 302        | 324          | 28          | 402        | 430          |
| Emosi/Psikologi        | 22          | 34         | 56           | 15          | 17         | 32           | 5           | 27         | 32           |
| Lain-lain              | 36          | 33         | 69           | 31          | 23         | 54           | 13          | 18         | 31           |
| <b>Jumlah</b>          | <b>428</b>  | <b>608</b> | <b>1,036</b> | <b>492</b>  | <b>750</b> | <b>1,242</b> | <b>480</b>  | <b>910</b> | <b>1,390</b> |

*Sumber: Jabatan Kebajikan Masyarakat Malaysia*

**Jadual 10 : Kes penderaan kanak-kanak mengikut kumpulan etnik dan jantina**

| Kumpulan Etnik   | 2001 |     |       | 2002 |     |       | 2003 |     |       |
|------------------|------|-----|-------|------|-----|-------|------|-----|-------|
|                  | L    | P   | J     | L    | P   | J     | L    | P   | J     |
| Melayu           | 271  | 354 | 625   | 306  | 497 | 803   | 308  | 579 | 887   |
| Cina             | 63   | 88  | 151   | 76   | 85  | 161   | 85   | 103 | 188   |
| India            | 79   | 115 | 194   | 95   | 131 | 226   | 55   | 131 | 186   |
| Bumiputera Sabah | 3    | 13  | 16    | 3    | 9   | 12    | 2    | 6   |       |
| Bumiputera Srwk  | 2    | 19  | 21    | 3    | 14  | 17    | 7    | 64  |       |
| Lain-lain        | 10   | 19  | 29    | 11   | 12  | 23    | 23   | 27  | 50    |
| Jumlah           | 428  | 608 | 1,036 | 480  | 735 | 1,242 | 480  | 910 | 1,390 |

*Sumber: Jabatan Kebajikan Masyarakat Malaysia*

Pelacur remaja mampu memperoleh pendapatan yang lebih tinggi jika dibandingkan dengan mereka yang mempunyai pencapaian akademik yang tinggi. Malah, mereka yang berpelajaran tinggi sekalipun tidak akan mencapai tahap pendapatan sedemikian dalam jangkamasa yang singkat. Pendapatan lumayan yang ditawarkan oleh bidang pelacuran sentiasa memerangkap golongan remaja yang suka mengambil jalan mudah untuk menikmati gaya hidup mewah. Faktor kemewahan ini juga dijadikan umpan oleh perekrut pelacur menjerat remaja memasuki lembah pelacuran.

Gadis remaja diperkenalkan kepada pelacuran oleh *pimp*. Gadis-gadis ini bergantung kepada *pimp* untuk sokongan emosi dan kewangan. Pelacur remaja memberi *pimp* duit dan *pimp* memberi perumahan serta membeli barang kemas dan lain-lain serta melindungi mereka. Ramai remaja *are sweet talked* ke pelacuran dengan janji-janji berkaitan duit, persahabatan dan perlindungan. *Pimp* sentiasa mencari remaja yang boleh dibentuk (*groomed*) untuk pelacuran.

### **Ciri-Ciri Seorang Pelacur Remaja**

Kanak-kanak di New Zealand didefinisikan sebagai mereka dibawah umur 16 tahun dan di Bangsa-bangsa Bersatu sebagai bawah umur 18 tahun, The Council of Europe mendefinisikan eksploitasi seksual sebagai "*the sexual use for economic purposes of a child or a young person, which violates directly or indirectly human dignity and sexual freedom and endangers his/her psycho-sexual development*" (Kelly, 1995). Bangsa-bangsa Bersatu menyeru supaya dunia menentukan umur kanak-kanak sebagai bawah 18 tahun (Miriam Saphira, Pam Oliver, 2002). Bagi tujuan artikel ini dan mengikut *Oxford Advanced Learner's Dictionary and Longman Dictionary of Contemporary English*, seorang remaja adalah seorang diantara umur 13 hingga 19 tahun. Bryan Stron (2001) mendefinisikan pelacuran sebagai "*the exchange of sexual acts such as sexual intercourse, fellatio anal intercourse, discipline, bondage and obscene insults for money and/or goods*". Pelacuran berlaku apabila dua orang dewasa bersetuju mengadakan perhubungan jenis; seorang bersetuju membayar kepada yang lain. Seorang pelacur lebih suka digelar sebagai pekerja seks atau *sex worker*.

Lebih dari 65% pelacur remaja berasal dari *broken homes*. Mereka telah mengalami trauma teruk dalam hidup iaitu sumbang mahram, penderaan, keganasan, rogol atau tidak dipedulikan oleh ibubapa (*parental abandonment*). Didapati bahawa remaja yang mempunyai ibubapa yang prihatin jarang menjadi pelacur. Pelacur remaja dibentuk kerana ibubapa kurang prihatin terhadap keperluan remaja. Dalam umur yang muda ini, mereka tidak boleh memandu, mengundi atau mempunyai pekerjaan yang tetap. Oleh itu mereka menjual badan mereka kepada orang yang tidak dikenali. Ini meninggalkan remaja dengan luka yang agak dalam. Namun mereka lebih suka hidup begini berbanding dengan hidup dengan keluarga.

Terdapat kaitan rapat antara pelacuran dan penagihan dadah yang menghasilkan *temporary insanity* dengan kepercayaan mereka boleh melakukan segala-galanya. Ia merupakan suatu penyesuaian bagi individu yang serba kekurangan. Mereka menangani masalah ini dengan mendapat perlindungan dalam dadah. Dengan pengambilan dadah, mereka boleh bekerja lebih lama serta menanggung lebih risiko untuk menyokong tabiat mereka. Disamping ini pelacur remaja juga minum alkohol. Alkohol menstimulasikan serta meningkatkan *animal passion* dan mengurangkan *moral sensibility*.

Pelacur remaja tidak memperolehi *sexual fulfillment* kerana mereka tidak menjalankan pelacuran untuk seks tetapi untuk pendapatan tinggi. Secara am mereka tidak merasa seronok melakukan seks dengan pelanggan mereka. Mereka mengasingkan seks sebagai tingkahlaku yang mereka dibayar dan bukan yang terlibat dengan emosi apabila dilakukan dengan orang yang mereka cintai. Seorang pelacur remaja mengatakan "*I don't think about sex when I am working. You have to be a good actress to make men think that you like it when you don't. I only enjoy sex if I am with someone I care about*" (Zausner, 1986). Mereka menjelaskan keseronokan dalam pelacuran dengan kebendaan, contohnya, kewangan dan menjauhi daripada pelanggan secara fizikal atau psikologikal.

Pelacur mengalami konsep sendiri yang lemah kerana melakukan sesuatu yang *degrading*, menghadapi konflik tentang identiti diri, mengalami kadar masalah emosi yang tinggi, disingkirkan oleh masyarakat dan keluarga, mengalami situasi kerja yang tidak baik, masa depan yang tidak cerah, dikawal serta *vulnerable to pimp*, perasaan negatif terhadap lelaki, menganggap diri sebagai *saleable commodity* dan tiada kaseh sayang keluarga. Mereka juga mempunyai *state of mind* yang murung, tidak gembira dan tidak selamat. Pelacur remaja hidup dalam ketakutan kerana kelakuan yang tidak sah dan takut ditangkap. Dengan keadaan begini mereka takut juga mendapatkan rawatan dan perubatan sekiranya perlu.

Seorang pelacur yang telah didera secara seksual semasa kanak-kanak menganggap dunia ini sebagai *hostile*. Ini menimbulkan kesukaran bagi mereka mempercayai orang yang ingin membantu. Dari satu kajian yang dijalankan, penulis memaklumkan agar sukar bagi beliau memperolehi maklumat daripada respondennya. Seorang pelacur remaja mengatakan "*I have lost everything and have nothing more to lose*".

Pelacur remaja tidak terikat dengan norma-norma masyarakat dan bebas untuk bertingklaku sesuka hati. Tiada nilai-nilai kebudayaan atau kepercayaan di kalangan pasangan sepertimana yang ada dalam perhubungan pasangan lain. Oleh yang demikian,

penggunaan kondom tidak diminati oleh pelanggan, yang mengakibatkan seks berisiko tinggi. Disamping ini pelacur berisiko tinggi untuk menghadapi penyakit berjangkit seperti HIV/AIDS dan penyakit-penyakit lain kerana mengadakan perhubungan seks dengan ramai pasangan ataupun diminta oleh pelanggan supaya tidak memakai kondom.

Pelacur remaja tidak mempunyai perhubungan rapat dengan bukan pelacur kerana soal *stigma*. Mereka tidak mempunyai *sense of belonging* dalam masyarakat, tidak terbuka untuk bincang mengenai seks serta tinggal dalam *social isolation and hostility*. Seorang pelacur mengatakan "*Society looks down on prostitutes morally like it's wrong and it's not wrong*" (excerpt from a life history interview). Pelacur remaja sering ditindas kerana pandangan bahawa pelacuran merupakan masalah wanita dan bukan masalah lelaki. *Female prostitution is the only sexual offence for which women are extensively prosecuted.*

## Kesimpulan

Langkah pertama bagi proses menolong ialah untuk mengikis persepsi negatif dalam diri mengenai pelacur dan pelacuran supaya tiada sebarang halangan atau *stigma* semasa mendekati seorang pelacur serta adakan perhubungan yang berasaskan hormat, prihatin dan *genuinity*. Pelacur remaja benci sekiranya dilayan secara *impersonal, intellectual or judgemental*. Konsep rakan sebaya dari segi umur adalah agak efektif memandangkan pelacur tidak melihat belia sebagai *old fashioned*. Ini akan meningkatkan konsep sendiri dan memberi pelacur remaja harapan untuk menghadapi masa depan. Pelacur remaja enggan mengikuti program institusi tetapi lebih responsif kepada pendekatan *outreach*. Mengadakan serbuan atau "membersihkan" kawasan daripada pelacuran tidak akan membantu pelacur.

Perumahan dan makan minum merupakan keperluan asas bagi pelacur yang ingin keluar dari profesion pelacuran. Apabila keperluan asas dipenuhi, maka ikatan terhadap pelacuran akan berkurangan dan masalah-masalah lain dapat ditangani. Terdapat dua (2) contoh program perumahan yang telah ditubuhkan bagi pelacur yang tiada tempat tinggal. Bagi program *Off The Streets* di New York City, kebanyakan penghuni adalah penagih dadah yang mengidap HIV. Program ini membantu pelacur mendapat tempat tinggal tetap, latihan vokasional serta rawatan pemulihan dadah. Bagi program *Threshold* pula, penerangan, keyakinan dan kemahiran diberi kepada pelacur untuk hidup berdikari tanpa melibatkan diri dengan pelacuran. Ramai penghuni di sini telah didera secara fizikal, emosi dan seksual. Hasil kedua-dua program menunjukkan separuh daripada penghuni telah dapat hidup stabil tanpa melibatkan diri dalam pelacuran. Pendidikan atau maklumat mengenai dadah dan HIV/AIDS, kesan-kesannya amat penting untuk menjamin kesihatan pelacur. Keperluan-keperluan asas harus diberi perhatian sebelum menyentuh tentang dadah atau HIV/AIDS.

Pendidikan sebaya (*peer education*) agak bernilai untuk menggalakkan pencegahan dadah atau AIDS dikalangan pelacur. Pendekatan ini adalah lebih realistik dan sistematik serta praktikal. Pada 1985, "*The California Prostitutes Education Project (CAL-PEP)*" ditubuhkan untuk mendidik pelacur tentang AIDS. Projek ini telah direka bentuk dan dilaksanakan oleh pelacur sendiri untuk melindungi pelacur dan pasangan mereka daripada AIDS. Dengan menggunakan pendidikan sebaya, pelacur telah dilatih sebagai

*AIDS Educators* untuk mengendalikan *outreach* kepada pelacur lain. Pertubuhan ini telah menerbitkan Manual Latihan "*Prostitutes Prevents AIDS – A Manual For Health Educators*". Cohen and Alexander 1995, menyatakan mengenai program "*Community Organizing*" yang melibatkan pelacur dalam *project design* dan implementasi. Program ini berjaya kerana ia mempunyai penglibatan secara berterusan dari komuniti untuk membawa perubahan.

Suatu *task force* perlu diadakan untuk mendidik orang awam mengenai pelacuran sama ada melalui ceramah, bengkel atau konsultasi serta bantuan yang boleh diberi. Kaunseling, rumah perantaraan, *alternative schooling* dan latihan kerja adalah di antara cadangan-cadangan yang boleh dilaksanakan. Disamping ini ibubapa didesak untuk menjalankan tanggungjawab mereka dengan lebih disiplin serta memahami, memperkukuhkan perhubungan keluarga dan membantu anak-anak mereka sendiri yang terlibat dalam pelacuran.

Cecilie Hoigard dan Lin Finstad yang menulis buku *Backstreets* pada tahun 1992 setelah menjalankan kajian selama 15 tahun menegaskan bahawa pelacuran "*is not any individual act but the build up of sexual and emotional violence as a daily occurrence that determines the trauma of prostitution*". Pelacuran ialah suatu simptom masalah remaja yang telah mereka hadapi dan mengalami semasa kanak-kanak. Mereka yang menjadi pelacur dalam masa beberapa bulan sahaja dari tarikh pembabitan mereka tidak mudah untuk meninggalkan dunia pelacuran yang merupakan dunia penghambaan bagi mereka. Keperluan fizikal, emosi dan kewangan mendorong mereka meneruskan dalam bidang ini.

*Sex tourist* yang ingin mengelakkan AIDS kini sentiasa menumpukan kepada pelacur kanak-kanak dan remaja. Ramai pelacur kanak-kanak dan remaja di Asia terutamanya di India, Thailand dan Filipina telah diuji positif untuk HIV. *The World Health Organization* telah melaporkan dapatan yang sama. Terdapat banyak laporan yang mengesahkan bahawa penglibatan remaja dalam pelacuran semakin meningkat (*United Nations Human Rights Commission*, 1992). Beribu-ribu pekerja seks, ramainya kanak-kanak dan remaja mempunyai virus yang membawa AIDS menjual tubuh badan mereka untuk sebanyak tiga dollar Amerika. Bagi mereka yang tidak mempunyai tempat perlindungan, suatu *burger McDonald* boleh mempengaruhi mereka melibatkan diri dalam pelacuran. Pelanggan lelaki mempengaruhi kanak-kanak dan remaja dengan mengatakan "*I'll give you a little money if you give me a blow job*", sepertimana yang dilaporkan oleh Glynis Rhodes, bekas kaunselor dengan *Sex Workers Education and Advocacy Task Force (SWEAT)*.

Pelacur remaja perlu dibebaskan daripada ikatan mereka dan dipimpin menjadi seorang anggota masyarakat yang produktif demi kesihatan, kesejahteraan dan kebahagiaan mereka. Namum isu sama ada pelacur remaja boleh menjadi seorang ibu yang baik masih dibincangkan. Pelacur remaja yang memiliki potensi diri mampu dijadikan sebagai insan yang berdaya maju dan tidak seharusnya disingkirkan daripada masyarakat.

## Bibliografi

Abdul Hadi b. Zakaria. 1975. *Some Patterns In High Class Prostitution In Kuala Lumpur And Petaling Jaya*. M.A. Dissertation, University Of Malaya; 1975.

Ahmad b. Saad, Seks dan Pelacuran [*Sex and Prostitution*] Ipoh : Penerbitan Pustaka Muda; 1973.

Ahmad Hussein S, *Prostitution As A Form Of Deviant Behaviour : A Case Study of 14 Prostitutes Penang* : Universiti Sains Malaysia; 1972.

Buletin Jabatan Kebajikan Masyarakat Malaysia; 2003.

Bryan Strong, *Human Sexuality*, 2001.

Cheah, K.L. 1983. *Prostitution : Some Problems And Issues In Rehabilitation And Control*. M.Sc. Thesis, National University Of Singapore; 1983.

D'Cunha, Jean, *Prostitution Laws – Ideological Dimensions And Enforcement Practices*. *Economic And Political Weekly*, April 1992.

Haslani Hassan, Program Pemulihan Akhlak Wanita Dan Gadis : Satu Penilaian Di Taman Seri Puteri, Cheras [*The Moral Rehabilitation Programme for Women and Girls : An Evaluation at Taman Seri Puteri, Cheras*]. *Project Paper, Department of Human Development, Faculty of Agriculture, University of Agriculture Malaysia, Serdang*; 1998.

Hassan Ghani, Pelacur Dan Profesion Pelacuran Di Kalangan Gadis Bawah Umur Dan Kawalan Undang-Undang Di Malaysia [*Prostitutes and Prostitution Among Underage Girls and Legal Controls in Malaysia*]. *Project Paper, Faculty of Law, University of Malaya, Kuala Lumpur*; 1983.

Ina Zweiniger, *Women in Twentieth Century Britain*; 2001.

James S. Nairne, *Psychology The Adaptive Mind*; 2003.

Kamal Salih, *Urbanization in Malaysia : Impact of the New Economic Policy. Paper Presented at the Parliamentarian Seminar*, Kuala Lumpur; 1983.

Khairuddin Yusof, A. Etheridge, Tai-Hwang Woon and Kim-Leng Yeoh, *Human Sexuality (A Malaysian Study) : Population Studies Unit, Faculty of Economics and Administration, University of Malaya*; 1984.

Lie, M. and R. Lund, *What Is She Up To? Changing Identities And Values Among Women Workers In Malaysia. Gender and Change in Developing Countries*; 1981.

Mak Lau-Fong, *The Sociology of Secret Societies : A Study of Chinese Secret Societies in Singapore and Malaysia*, Kuala Lumpur; 1981.

Masters, W.H., V.E. Johnson and R.C. Kolodny, *Crisis : Heterosexual Behavior in the Age of Aids*, London; 1988.

Nagaraj S, *The Sex Sector In Malaysia : Report of Research and a Workshop*; 1994.

Noor Farida Ariffin and R.Reddy, *Violence Against Women: Paper Presented at the Workshop on Legal Aspects Pertaining to the Status of Women, National Council of Malaysian Women*, Kuala Lumpur, 1985.

Norma Mansor, *Women's Participation In The Government Sector : Trends And Implication*; 1990. Reprinted in *Readings on Women and Development in Malaysia*, ed. Jamilah Ariffin. Kuala Lumpur : Population Studies Unit, Faculty of Economics and Administration, University of Malaya; 1994.

Ong, Jin-Hui, *Prostitution : An International Handbook on Trends, Problems and Policies*; 1993.

Phang, Kooi-Yoong, *The Rehabilitation Centre for Women and Girls. Project Paper, Faculty of Law, University of Malaya*; 1979.

Ramachandran, S. and Y.F. Ngeow, *The Prevalence Of Sexually Transmitted Diseases Among Prostitutes In Malaysia*; 1990.

Ruslan bin Khatib, Pelacuran Melayu di Kuala Lumpur: Satu Kajian Kecil Tentang Kehidupan Pelacur dan Beberapa Kepincangan Masyarakat yang Melahirkan Golongan ini [*Malay Prostitution in Kuala Lumpur : A Small-Scale Study of the Life of Prostitutes and Inequalities in Society that Give Rise to the Group*]. *Graduation Exercise, Faculty of Arts, University of Malaya*, Kuala Lumpur; 1966.

Shymala Nagaraj, Siti Rohani Yahya, *The Sex Sector*, 1995.

Zainah Ismail, *Rehabilitation Of Juvenile Prostitutes : A Case Study of the Women and Girls Rehabilitation Centre, Cheras. Project Paper, Faculty of Economics & Administration, University of Malaya*; 1975.

Zakaria Ismail, Pelacuran di Bandaraya Pulau Pinang : Satu Kajian Keatas Pelacur-pelacur yang Terdiri daripada Pelayan-pelayan Bar. [*Prostitution in the City of Penang : A study of Bar Waitresses who are Prostitutes*], *Department of Malay Studies, University of Malaya*, Kuala Lumpur; 1976.